

Börkur Sigurbjörnsson

Hættu að tala við sjálfan

þig

örsaga



Urban Volcano

Hættu að tala við sjálfan þig

Börkur Sigurbjörnsson

Creative Commons (BY-NC-ND) – 2023

<https://creativecommons.org/licenses/by-nc-nd/3.0/>

Útgefandi: Urban Volcano

<https://urbanvolcano.net/>

Þessa sögu má afrita með hvaða hætti sem hugnast getur, svo sem með fjölrítun, meitlun í stein eða upplestri í gegnum Zoom úr baðkari á jónsmessunótt, svo fremi sem vísað er í höfund, efniinu ekki breytt á nokkurn hátt og ekki skapist fjárhagslegur ávinningur af afrituninni.



Hættu að tala við sjálfan þig

„Hættu að tala við sjálfan þig!“

Ég leit í átt til systur minnar þar sem hún lá í sófanum og sendi mér stíft augnaráð sem átti vafalaust að fylgja orðum hennar eftir, djúpt inn í mitt auma sálartetur.

„Ég er ekkert að tala við sjálfan mig,“ svaraði ég. „Ekki upphátt að minnsta kosti.“

„Kannski ekki upphátt í venjulegum skilningi en líkams-
tjáningin sem þú beitir þegar þú gengur um gólf segir allt sem

segja þarf um það að þú ert að tala við sjálfan þig—og það á frekar háum nótum.“

„Og hvað með það þó ég sé að tala við sjálfan mig?“

„Það er krípí. Af hverju getur þú ekki verið eðlilegur?“

„Og hvað þykist þú vera að gera?“

„Hvað sýnist þér? Skrifa í dagbókina mína. Það er að segja þegar ég næ einbeitingu milli hljóðlausu öskranna frá þér.“

„Má ég lesa?“

„Nei.“

„Má einhver lesa?“

„Nei, þetta er mín dagbók og hana les enginn nema ég.“

„Ert þú þá bara ekki alveg eins að tala við sjálfa þig og ég?“

„Það er tvennt ólíkt. Það er eðlilegt að skrifa dagbók en það er ekki eðlilegt að tala við sjálfan sig. Af hverju færð þú þér ekki dagbók eins og annað siðmenntað fólk?“

„Mig langar það ekki. Ég kann ekki við að skilja eftir mig pappírsslóð. Það er líka sjálfbærara að tala við sjálfan sig. Lægra kolefnisspor.“

Um höfundinn

Börkur Sigurbjörnsson er menntaður tölvunarfræðingur og hefur hugbúnaðarþróun sem aðal viðurværi en sinnir skáldskap í hjáverkum. Börkur er fæddur og uppalinn í Reykjavík en hefur á undanförunum tveimur áratugum búið víðs vegar um heiminn, með langtímadvöl í Amsterdam, Barselóna, Bursheid, Düsseldorf, Lundúnum, Montevideo og Reykjavík. Börkur birtir reglulega örsögur, smásögur og ljóð á vefsíðunni Urban Volcano.

Bækur höfundarins

Talaðu við ókunnuga, smásagnasafn (2019)

52 augnablik, örsagnasafn (2017)

999 Erlendis, smásagnasagn (2012)

Aðrir tenglar

Börkur Sigurbjörnsson (heimasíða)

Urban Volcano